

# 卷十

書名 錦繡萬花谷別集三十卷 嘉靖十五年序錫山秦汴鏞石書堂刊本後修  
 撰者 宋 闕名 撰  
 卷 卷十  
 內容分類 子-類書-彙考-宋  
 索書號 大木-子部-類書類-31  
 編號 C5924800



彩色首頁1

東洋文化研究所漢籍目錄 編號: C5924800

東洋文化研究所漢籍目錄所藏漢籍善本全文影像資料庫 索書號: 大木-子部-類書類-31

漢籍善本全文影像資料庫文本 錦繡萬花谷別集三十卷 嘉靖十五年序錫山秦汴鏞石書堂刊本後修

版權所有: 東京大學 東洋文化研究所

使用上的注意事項

錦繡萬花谷別集卷之一

天

廣雅云九天之際曰九垓九天之外次曰九

云垓垓也垓階也言階次有九

漢名臣奏曰今史官所用候臺銅儀則混天法也

記曰長安南有靈臺上有銅渾天儀

晉天文志天形南高而北下日出高故見日

不見天之居如倚蓋

漢天文志天運三十歲一小變百年中變五

文三大變一紀三紀而大備

太元經闔天謂之宇闔天謂之宙

唐天文志元宗詔一行與梁令瓚鑄



錦繡萬花谷別集卷之十

都督

**夢生八翼**晉陶侃夢生八翼飛而上天見天門九重已登其八唯一門不得入闔者以杖擊之因墜地折其左翼及寤左腋猶痛後都督八州諸軍事

**落鵬**北齊斛律光傳神武授都督嘗從文襄校獵雲表見一大鳥射之中頸形如車輪旋轉而下乃鵬也丞相嘆曰此射鵬手也號落鵬都督

**天官動將星**漢地柳條青萬里鳴刀斗三軍出井陘

忘身辭鳳闕報國取龍庭豈學書生輩窓中老一經

送趙都督中軍待上客令肅事有恒前驅入寶地祖帳

飄金繩杜甫陪章留後餞



安撫

**文武兼備**唐職林裴行儉字守約儀鳳二年詔行儉為安撫大食使浮至京師將吏為刻石碎葉城紀功帝勞曰行儉提孤軍深入萬里兵不血刃叛黨擒夷可謂文武兼備矣

**猶待衮衣還**丁未錄韓琦判相州制無安帥節之樂猶待衮衣之還

**來帥能罷**韓文河中府連理木頌云來帥能罷四方作儀

**體量官吏能否**范雍充陝西緣邊州軍體量安撫使詔所至察訪邊民利害及體量官吏能否出會要

**詩疑旒西顧蜀川民**白玉堂前命侍臣捧詔暫辭三萬

在乘輶遐布一方春錦江冰凍藍光重劍嶺梅開雪彩新題柱相如歸未得滿襟香泪望行塵陳充送陳學致士入川安撫致身雖自文章選經世尤高政事科以若所為即伊昌使其不遇亦丘軻長沙地窄儒衣濶明月池乾春水多天以一賢私一路其如四海九州何戴石屏見湖南真帥

經畧使

**上考中考下考**唐百官志唐置經畧使以計度為上考集事為中考修造為下考

**有文武材**唐太宗以婁師德為經畧副使曰卿有文武材勿辭也

**賜中和節詩**戴叔倫為容管經畧使綏徠夷落威名流聞其治清明愈多方畧故所至稱最德宗嘗賦中和

節詩遣使者寵賜

**威聲風行**裴行立為安南經畧使威聲風行

**優詔旌忠良**唐職林張公師為安南經畧使自為吏習於海邦去之則夷獠稱亂復至則寇攘順化及受命專征牧人盡區處之方制國備形體之法道阻而備百貨地偏而具五人儲峙委積師旅無戾戾之呼繕完板幹控帶兼戊巳之位皆用周禮率由漢儀易野之守險逾丘陵而萬世無虞奇琛良貨溢于王府殊俗異類盈于藁街優詔累旌其忠良太史嗣書其功烈

部刺史

**二天**後漢蘇章字孺文遷冀州刺史故人為清河太守章行部案其奸賊乃請太守為設酒肴陳平生之好甚

歡太守喜曰人皆有一天我獨有二天章曰今夕蘇孺文與故人飲者私恩也明日冀州刺史案事者公法也遂舉正其罪州境知章無私望風畏肅

**真刺史**賈逵豫州刺史舉奏二千石以下阿縱不法者帝曰逵真刺史也布告天下以豫州為法

**馳九折坂**漢王尊遷益州刺史先是王陽為益州刺史行部至邛邰九折坂嘆曰奉先人之遺體柰何數乘此險後以病去及尊為刺史至其坂問吏曰此非王陽所畏道邪吏曰是尊叱其馭曰驅之王陽為孝子王尊為忠臣邛音來

**外臺之表**後謝夷吾荊州刺史第五倫薦之曰尋功簡能為外臺之表聽聲察實為九伯之冠

賜三公之服後郭賀字喬卿荊州刺史有殊政百姓歌曰厥德仁明郭喬卿中正朝廷上下平顯宗賜以三公之服黼黻冕旒勅行部去襜帷使百姓見其容貌以彰有德

詩王節居分陝金貂總上流麾軍時舉扇作賦且登樓年光徧原隰春色滿皇州日華三翼舸風轉七星旂向解青絲纜將移丹桂舟

梁元帝別荆州吏民

漕使

積七百萬石唐裴耀卿充轉運使於是置河陰集津三門倉引天下租繇盟津沂河而西三年積七百萬石省運費三十萬緡或說耀卿請所省脚錢以明功利耀卿曰此蓋公家盈縮之利爾不可以求寵乃奏克所司租

羅等錢明年遷侍中

飛芻輓粟通鑑秦攻匈奴使天下飛芻輓粟

福星四朝國史哲宗立念東國困於役竄吳居厚復以鮮于侁為京東轉運使司馬光曰以侁之賢不宜使居外顧齊魯之區彫敝已甚須侁為福星救之耳安得如侁百輩布列天下乎士民聞其重臨如見慈父母

在提刑之上祥符七年詔曰自今轉運副使不限官品並在提點刑獄之上

詩威權自與轉輸同僕從衙亭事事雄十郡山河關職務一門忠孝是家風圖書半是仙舟裏石版多留禹廟中閑想春堤遊賞處桃花浪照舞筵紅

魏野贈漕丞

二十登庸冠列仙當時便合掌王言因為甘露蘇黔首未放

祥雲入紫垣王禹偁獻轉西風持漢節騎從嚴弓刀維

閩七聚落博獨困吏饑土散禾黍惡水煩鱗介勞南驅

將仁氣百城共一陶黃魯直送劉士彥小隊出行春旌

旗帶野雲草成平寇檄翻作勸農文幕府多奇士詩書

策異勲請將邊上事一一奏明君戴石屏真州上

憲使

平反獄訟高賦言國家置提刑司蓋欲平反獄訟使民

不倦

寄憲胡宿集江西提刑施元長獎諭早稱才名出提憲

寄

職官分紀真宗謂王旦曰朕慮四方刑獄官

吏未盡得人一夫受冤即召災沴先帝常選朝臣為諸

點刑獄公事以朝臣克始命屯田李拱為之副以武臣

閣門祇候以上克

熙寧十年以館閣校勘丁執禮權發遣河北

西路提點刑獄上宣諭曰朕惟河朔地重謹選監司故

差舊御史為之

持節復持節因循霜髮侵盛衰關大數豪傑負初心

宇宙虛長筭江湖寄短吟番陽秋水濶湘浦未為深磯

屏送湘漕趙宇宙歸微數安危委大臣金門一回首

王節父臨民雅志行思古清風不受塵絜齊家學舊用

處日如新繡衣屏見江東傳家學術用如新風采英英照

七閩澄按併開都督府平反專奉太夫人關河未定心

憂國靡節相仍澤在民間說青雲多故舊不應又作外臺臣石屏親曾提刑時兼安撫樞星居紫極遙映使星明天下推明德君家好弟兄一臺振綱紀列郡想風聲不試褰帷手官曹未易清石屏按會憲

倉使茶馬附

**常平蠲役之政**初寮除方畧制朕以常平蠲役之政加惠黎元又除黃棕制昔在神考取成三代制為常平蠲役之政以利天下

**不限員舉劾官吏**熙寧十年李稷提舉成都府等路茶場熙河市易事手詔曰川茶一司創置雖久未能就緒儻非得材智之人益以事權無所成李稷風力固已可仗然權勢輕小可依李杞例兼三司判官仍委權不限

員舉劾官吏

**以蜀不易馬**四朝志元符末程之邵召對徽宗詢以馬政之邵言戎俗食肉飲酪故貴茶而病於難得願禁沿邊鬻茶以蜀產易詔可未幾易馬萬匹

**摘山充廩**龍溪除起宗制必能為吾講摘山之利得充廩之良

**仲秋為市**四朝國史程之邵主管秦蜀茶馬草黎州買馬之弊歲以仲秋為市四月止

提舶

**金山珠海**市舶錄云市舶者其利不貲摧金山珠海天子南庫也

**金珠御史**會稽圖經王絲以待御史為廣南運使兼市

舶提舉舊番稅之來十說其一必擇精者絲令精粗兼取夷人悅之目為金珠御史

**歲入** 中興會要高宗問張闡舶司歲入幾何 闡對抽解與和買以歲計之約二百萬緡如此三路所入固已不少

### 郡守

**厭承明之廬** 漢嚴助拜會稽太守數年間不聞問無善聲也

賜書曰制詔會稽太守君厭承明之廬勞侍從之事懷故土出為郡吏會稽東接於海南近諸越北枕大江間者濶焉久不聞問具以春秋對毋以蘇秦從橫助恐上書謝稱臣助當誅陛下不忍加誅願三年計最詔許

**明不以為宰相** 後漢鄭弘遷淮陰太守行春天旱隨車

致雨白鹿方道俠轂而行弘怪問主簿黃國曰鹿為吉為凶國拜賀曰聞三公車轄畫作鹿明府必為宰相注附謝承書

**與人歌** 後漢岑熙為魏郡太守無為而化視事二年與

人歌之曰我有枳棘岑君伐之枳棘喻寇我有蝨賊岑

君遏之蝨賊喻姦狗犬不驚足下生蹇張故地伏無蹇

含哺鼓腹焉知凶災我喜我生獨丁斯時美哉岑君於

戲休茲

**政如魯衛** 漢馮奉世子馮野王字君卿馮立字聖卿立

為五原太守徙西河上郡居職公廉治行畧與野王相

似吏民嘉美野王立相代為太守歌之曰大馮君小馮

君兄弟繼踵相因循聰明賢智惠吏民政如魯衛德化



均周公康叔猶二君

**夢三刀**晉王濬為廣州漢陽太守夜夢三刀又益一刀

主簿曰三刀為州明府其臨益州乎果遷益州刺史

**願借寇君一年**後寇恂為潁川太守召為執金吾光武

幸潁川百姓遮道願復借寇君一年乃留鎮之

**大南郡小南郡**南史劉之遴字思貞除南郡太守武帝

謂曰卿母年德並高故令卿衣錦還鄉盡榮養之理轉

安西中郎湘東王繹長史太守如故第之亭字嘉會代

之遴為安西湘東王繹長史南郡太守其土懷之不復

稱名號為大南郡小南郡

**新安大好山水**南史徐摛字士秀武帝問五經大義歷

代史及百家雜記末論釋教應答如響帝加歎異詔遇

日隆朱异不悅謂所親曰徐叟出入兩宮漸來見逼遂

承間白帝曰摛年老又愛泉石意在一郡自養帝乃召

摛曰新安大好山水任昉等並經為之卿為我臨此郡

中遂出為新安太守為政清靜暮月風俗便改

**以春秋斷獄**後漢何敞遷汝南太守在職以寬和為政

分遣儒術文吏案行屬縣顯孝悌有義行者及舉軍獄

以春秋義斷之郡中無怨聲

**鬼擲揚**世說載羅友家貧乞祿於桓温曰臣昨中路見

一鬼擲揚曰我只見汝送人作郡不見人送汝作郡温

笑以友為襄陽太守

**登蟬歲四熟**唐尹思貞治州有績蟬至歲四熟

**欲粟賤追李現**唐李現為零陵太守為政得人心時京

師米翔貴百姓誼曰欲乘賤退李現

**詩** 出去暫開貌虎慕歸來須占鳳凰池鬢間未有一莖

白陶鑄蒼生固不遲巖幾年為郡守家似布衣貧沽酒

迎幽客無金與近臣搗茶書院靜講易藥堂春歸闕功

成後隨車有野人謝擊鼓鳴笳引畫船一麾行指斗牛

邊壯懷驥驟思千里飲量虹蜺吸百川水遠芰荷香不

斷溪清樓觀影相連烏程釀美吳娘舞剩醉江南橘柚

天伯子開送陳成高懷聊寄股肱郡雅望咸歸喉舌司

嶺正神宛送趙天下無雙士淮南第一州文章老元帥節

義古諸侯馮揚州贈皓首潘郎少似君一麾新得浙江

濱神仙窟宅金華近吳越封疆寶婺分沈約瘦來題八

詠張顛醉後掃千文才高政美應無事莫厭雙溪白

雲陳古靈送鍾離暫驅太守朱轡去應有兒童竹馬期

塞外煙雲千里靜帳前貌虎萬兵隨古靈送曼太原炎海韶

州牧風流漢署郎分符先令望同舍有輝光杜甫送韋

州使君高誼驅今古寥落三年坐劍州但見文翁能化

俗焉知李廣未封侯杜寄李印文生綠經旬合硯匣留

塵盡日封柳寄周韶

通判

**真宰相才** 唐則天求宰相狄仁傑曰荊州長史張柬之

其人雖老真宰相才也

**鳳鳴鯤化** 杜甫贈虞司馬詩爽氣金天豁清談玉露繁

佇鳴南嶽鳳欲化北溟鯤

**御製詩贈行** 賀知章因病求還鄉拜其子曾為會稽郡

司馬令侍養御製詩贈行

**別施一榻**孔休源為晉安王長史南陵太守別勅專行

南徐州事休源累佐名藩王深相倚仗常於齋中別施

一榻云此是孔長史座人莫預焉

**詩**清若壺冰斷若金孜孜長見恤民深三年佐郡神明

政一旦歸朝父老心遺愛海波無斷處去思秋色有餘

陰臨行曲為留旬日少慰攀轅淚滿襟孔毅甫送諸侯

非棄擲半刺已翱翔○月分梁漢米春得水衡錢○每

覺昇元輔深期列大賢○如公盡雄俊志在必騰騫並

甫寄賈司案牘來時惟署字風煙入興便成章出劉禹

馬嚴使君錫送王

幹官

**風力強敏**四朝國史唐義問傳字士宣熙寧中辟京西

轉運司管當文字神宗覽本道章奏知義問所為以其

言訪於輔臣因黃好兼領使省諭之曰唐義問風力強

敏行且用矣可面詔之尋以為司農管當公事

**毋得隨長官出巡**熙寧八年詔諸路提點刑獄司檢法

官今後毋得隨長官出巡

**詩**臺幕三年醉雲霄萬里程西山餞行色南浦棹新晴

骨秀荆山璞曾涵元氣英更携扛鼎筆祇合上蓬瀛砥

屏送陳八斗文章用有餘數車聲譽滿江湖今年好獻

南郊賦幕府文書有暇無石屏寄劉制

教官

**州博士**隋潘徽為州博士

**郡文學** 職林光武問武臣曰請卿自度爵祿何所至也  
鄧禹曰臣少嘗學問可郡文學

**冷官** 杜甫醉時歌諸公衮衮登臺省廣文先生官獨冷  
**文士** 四朝國史任諒字子諒為懷州教授徽宗見其所  
作新學碑曰文士也擢提舉夔路學事

**不撰樂詩** 四朝國史鄒浩字至全調揚州穎昌府教授  
呂公著范純仁為守獨加禮重純仁嘗屬撰樂語辭不  
為純仁曰翰林學士亦作此浩曰翰林學士則可祭酒  
司業則不可純仁謝

錦繡萬花谷別集卷之十

錦繡萬花谷別集卷之十一

職幕官

**諸侯老賓客** 子真見魯大夫曰商也諸侯門下老賓客  
爾思以恢仲尼之道又杜詩甫也諸侯老賓客罷酒酣  
歌拓金戟

**幕府** 杜送高書記詩十年出幕府自可持旌麾此  
行既特達足以慰所思註晉灼曰將軍職在征行無常  
處所在為治故言幕府

**四人同日拜郎** 杜沈八丈除膳部員外詩今日西京掾  
多除南省郎王內翰註云府掾四人同日拜郎

**負難章狀** 唐韋元甫初任白馬尉採訪使韋陟奏克支  
使與同幕判官員錫齊名元甫精於簡牘錫詳於訊復